



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**R. P. Leonardi Lessii E Societate Iesv Theologi Opusculum  
Asceticum Posthumum**

**Lessius, Leonardus**

**Lovanii, 1643**

39. De Deo Protectore.

[urn:nbn:de:hbz:466:1-46564](#)

CONSIDERATIO XXXIX.

*De Deo Protectore.*

**P**rotector dicitur ; 1. generaliter, quia omnem naturam creatam conservat in sua specie, integritate, & bono statu naturae consentaneo ; & quantum cuiusque conditio fert, tuetur eam à noxijs.

2. Speciatim dicitur *Protector* respectu hominum, qui infinitis periculis, & incommodis sunt subjecti.

1. Quia ab innumeris peccatis nos tuetur, in quæ quilibet nostrum incideret, nisi eius benigna protectione nos muniret : nullum enim est peccati genus, in quod, in tanta naturae imbecillitate, & ad malum pronitate, non fuissetmus Diaboli astu & potentia facile impulsi, & non quotidie adhuc impelleremur,

L 6 nisi

nisi ipse nos sua benignitate miris  
modis protegeret, *Vnde nemo potest*  
*in seipso gloriari*, quasi sua industria  
ipse omnia illa euitauerit: sed de-  
bet se coram Deo humiliare, & a-  
gnoscere suam imbecillitatem. Dei-  
que benignitatem: nec minus gra-  
tias agere de malis quæ non fecit,  
quam de bonis quæ fecit.

2. *Quia sicut protexit nos ab in-*  
*numeris peccatis. in quæ alioqui*  
*fuissemus lapsuri; ita quoque pro-*  
*texit ab innumeris periculis dam-*  
*nationis æternæ, quam millies iam*  
*incurrissemus, nisi sua clementia*  
*nos protexisset. Quicumque enim*  
*est in statu peccati mortiferi, reus*  
*est ignis æterni, ad quem statim à*  
*Dæmonibus abriperetur, si Deus*  
*id ipsis permitteret. Vnde eo ipso*  
*quo nos protegit à peccato, ex con-*  
*sequenti, & mediata etiam protegit*  
*à damnatione æterna.*

3. *Quia non solum hac ratione*

nos

nos protegit à damnatione, sed etiam  
immediatè, & directè. Nempe quo-  
tiescumque re ipsa sumus in statu  
peccati mortiferi: tunc enim sta-  
mus ad portas inferi, & nihil ad  
damnationem æternam supereft,  
quām ut Deus iustissimam iram  
suam erumpere gestientem, non  
cohibeat; vel Diabolum nos abri-  
pere ardente, non coērceat; vel  
causas alias creatas mortem nobis  
illaturas, non auertat. Verum ipse  
infinita clementia suā, & iram suā  
cohibet, vim Diabolicam compri-  
mit, & causas alias, vnde mors alio-  
qui nobis obueniret, sæpenumero  
auertit: hoc modo nos à damnatio-  
ne protegens, & seruans ad pæni-  
tentiam, ac salutem.

4. Non solum à peccatis, &  
damnatione æterna, sed etiam  
ab alijs innumeris calamitatibus  
afflictionibus, tentationibus, in-  
commodis nos protegit, in quæ,

L7 fine

sine ipsius benigna custodia, eramus prolapsuri: & per quæ, in varia peccata, ac demum in æternum exitium eramus deuoluēdi. Ipse enim certissimè nouit, quid ex singulis huiusmodi casibus, nobis esset obuenturum: quid animæ nostræ exitium, quid salutem esset allaturum, vnde ea quæ præuidet futura aliquando exitio, sæpiissimè sua benignitate auertit. Itaque de his omnibus quotidie illi gratiæ agendæ.

5. Quia iustos peculiari cura protegit tanquam filios, & hæredes regni; sed maximè eos, qui se eius obsequio & gloriæ consecrarunt. Circa hos protectio est valdè singularis. Sunt enim veluti gemmæ pretiosæ & margaritæ in thesauris Domini. Vnde Dominus eos tanquam gemmas asseruat. Et custodit ut pupillam oculi, quâ nihil homini carius: & protegit sub umbra alarum suarum, sicut gallina pullos suos.

6. Quia

6. Quia etiam est protector beatorum, quatenus eos protegit ab omni lapsu, ab omni peccato, ab omni errore, ab omni tristitia, à morte, & omni incommodo corporis & animæ. Hoc autem facit quatenus custodit, & continuat in illis lumen gloriæ. Hoc enim si per cessationem diuini influxus aliquando extingueretur, mox desiderent esse beati, & rediret pristina infirmitas, & possent relabi in omnes nostras miseras, ac etiam in æternam damnationem.

CONSIDERATIO XL.

*De Deo ut est fortitudo  
nostra.*

**D**icitur fortitudo nostra 1. quia ipsius ope ex statu peccati & damnationis assurgimus ad statum gratiæ & filiorum Dei.

2. Ipsius